

59. *Chamaedorea rhombea* Burret; — Caudex superne 1 cm in diam., internodiis supremis 6 cm circ. longis. Frondis vagina oblique aperta, in latere humiliore 13 cm longa, superne 1,8 cm fere in diam., prominenter costata. Petiolus 24 cm circ. longus, subvalidus. Lamina circ. 55 cm longa, ambitu oblonga, tenuis. Rhachis 42 cm longa, subtus fascia alba notata. Segmenta in quoque latere 5, i. s. subtus paululo pallidiora, regulariter disposita, apicalia quam sequentia ad duplum fere latiora, nervis primariis 3—4 percurta, ovato-vel late ovato-rhombea, acuminata, in margine superiore circ. 16 cm longa, 6—6,5 cm et paulo ultra lata, sequentia pro rata generis late rhombea, nonnihil sigmoideo-curvata, longe, anguste acuminata, majora 6,5—9 cm circ. longa, 5—6 cm fere lata, infima nonnihil minora. Inter costam mediam et prope marginem currentem nervi plerumque 3 validiores, tenues densi utrinque nulli. Spadix ex folii vagina vel infra, gracilis. Pedunculus 24 cm longus, sat tenuis. Spathae pedunculum aequantes, nisi superantes, anguste vaginantes, 4—5 mm in diam. Rami 3—4, fructiferi 6—7 cm longi, sat tenues. Fructus in spira densiuscula dispositi, insertiones nonnihil excavatae, ovali-oblongae, 2 mm longitudine vix superantes. Perianthium longitudinaliter costato-striatum. Calyx cupulari-trilobus, fructifer 1 mm altitudine haud aequans. Petala libera, imbricata, quam calyx conspicue vel potius fere nonnihil altiora. Fructus immaturi subobovati.

Costarica: Rancho de Achiote, Südflanke des Poas, 2250 m (26. Juli 1888 — H. Pittier n. 374).

Die Art schließt sich an *Ch. pacaya* Oerst. an. Die Fiedern sind ausgesprochen breit rhombisch, breiter und kürzer als bei der genannten Art, viel stärker sigmaförmig. Die Kolben sind relativ zierlich, mit wenigen, kleinen Ästen. Die Spathae sind schmal.

60. *Chamaedorea Kalbreyeriana* H. Wendl. nomen in scheda; — „Caudex gracilis, erectus, ad 2 m circ. altus, plus quam pollicaris. Frondes dissitae, 1—1,50 m fere longae, segmentis utrinsecus 5—7, nitide viridibus“ (ex collectore). Petiolus pro rata pervalidus. Rhachis valida, subtus fascia albida notata. Segmenta, ut videtur, regulariter disposita, maxima sectionis adhuc nota, pro rata rigidiora, subtus vix pallidiora, apicalia visa rhacheos 14—16,5 cm amplectentia, in margine superiore 28—32 cm longa, circ. 14—15 cm lata, sat breviter acuminata, rhomboidea, reliqua magis sigmoideo-rhomboidea, apice longius, anguste producta majora circ. 33—43 cm longa, 8,5—11 cm lata, et nonnihil minora visa prob. basi frondis insidentia. Nervi in segmentis mediis in quoque latere nervi primarii 6—8,